

## **CONVENIO DE COLABORACIÓN ENTRE A CONSELLERÍA DO MAR E A FEDERACIÓN PROVINCIAL DE CONFRARÍAS DE PESCADORES DA CORUÑA**

Santiago de Compostela,

### **REUNIDOS**

Dunha parte, Dona Marta Villaverde Acuña, conselleira do Mar, nomeada polo Decreto 35/2025, do 4 de xuño (DOG núm. 106 , do 5 de xuño) actuando en nome e representación da Consellería do Mar da Xunta de Galicia, en virtude das facultades recoñecidas polo artigo 34 da Lei 1/1983, do 22 de febreiro, de normas reguladoras da Xunta e da súa presidencia.

E doutra parte, a entidade Federación Provincial de Confrarías de Pescadores da Coruña, CIF V15041114, representada polo seu presidente Don Manuel Daniel Formoso Moledo (DNI 76499043P), en virtude do artigo 22.1 dos seus estatutos, ratificados pola Consellería do Mar o 26 de xaneiro de 2022 (DOG núm. 28, do 10 de febreiro).

Todas as partes recoñécense a súa capacidade para obrigarse e conveniar e

### **EXPOÑEN**

#### **Primeiro**

Que a Comunidade Autónoma de Galicia ostenta competencias exclusivas en materia de confrarías de pescadores segundo o artigo 27.29 do Estatuto de Autonomía (Lei orgánica 1/1981, do 6 de abril), en consonancia co artigo 148.1.11 da Constitución Española e co Real decreto 3318/1982, do 24 de xullo, sobre o traspaso de funcións e servizos da Administración do Estado a Galicia en materia de agricultura e pesca.



## Segundo

Que a Consellería do Mar, a través da Dirección Xeral de Desenvolvemento Pesqueiro, ten entre as súas competencias o fomento da organización sectorial, que se desenvolve co apoio ao asociacionismo e proporcionando asistencia técnica ás confrarías de pescadores, organizacións de produtores da pesca e demais asociacións relacionadas co sector.

## Terceiro

Que a Federación Provincial de Confrarías de Pescadores da Coruña é unha corporación de dereito público, sen ánimo de lucro, dotada de personalidade xurídica e capacidade de obrar para o cumprimento dos seus fins, que actúa como órgano de consulta e colaboración coa Administración na defensa e promoción do sector, sendo o seu obxecto a coordinación, xestión e representación dos intereses económicos e sociais comúns das confrarías que a integran.

Que os investimentos a realizar, coa axuda da Consellería do Mar, teñen por obxecto prestar mellores e máis eficientes servizos e un mellor desenvolvemento das actividades propias da mesma.

Os investimentos consisten na adquisición de mobiliario, material informático diverso e a realización de tres xornadas de formación e son os que se detallan a continuación:

- a) Adquisición de mobiliario: cadeira ergonómica de oficina para mellorar a comodidade do persoal administrativo da federación durante o seu traballo e evitar posibles lesións laborais así como mobles para almacenaxe de material de oficina e electrónico/informático que na actualidade está almacenado de xeito precario.
- b) Adquisición de material informático diverso:
  - b.1- servidor tipo NAS que aumenta a seguridade dos arquivos e datos da federación, facilita a protección do equipo informático e a súa durabilidade
  - b.2- tres smartphones que contribuirán á mellora da comunicación cos asociados, cos directivos, coa administración, cos provedores, etc. mellorando a produtividade e a atención que se preste
  - b.3- ordenador portátil así como un mini PC de sobremesa cos periféricos necesarios para facilitar o traballo do persoal administrativo dende calquera localización na que se atope aumentando a produtividade e mellorando a atención



aos asociados e o segundo para substituír a un PC de sobremesa que xa se mostra obsoleto

b.4- tablet que pola súa versatilidade aporta vantaxes á hora de acceder a reunións online, conectarse con outros dispositivos, recibir mails, acceder a textos e incluso poder conectarse directamente co servidor para acceder á base de datos, aumentando a produtividade e mellorando a atención aos asociados.

- c) Realización de tres xornadas en tres localizacións diferentes sobre "*Accidentes de traballo e as enfermidades profesionais, identificación, comunicación e tramitación*". Os obxectivos destas xornadas presenciais son principalmente informar e concienciar da importancia que ten un adecuado tratamento nos expedientes relativos aos accidentes de traballo e ás enfermidades profesionais nas actividades da pesca artesanal e o marisqueo; informar aos principais responsables da prevención de como actuar e cales son os pasos a seguir en caso de accidente ou enfermidade laboral e coñecer os trámites necesarios para a correcta tramitación do proceso. Outro obxectivo deste proxecto é dar a coñecer aos traballadores tanto os riscos aos que están sometidos durante o seu traballo como a maneira de minimizalos ou eliminalos e informar e concienciar aos traballadores do sector da baixura e o marisqueo da provincia de A Coruña da importancia da prevención de riscos laborais, promovendo actitudes positivas e de respecto cara a prevención.
- d) Visita a un criadeiro de ourizo de mar para coñecer de primeira man este proxecto co obxectivo de comprobar si é viable a adquisición de semente desta especie para repoboar bancos naturais. O ourizo é un recurso de suma importancia en moitas das confrarías desta federación, pero tamén se trata dunha especie moi sensible, cun período de crecemento moi longo, o que fai difícil a súa recuperación e tendo en conta que ata a data non existía a posibilidade de obter semente desta especie.

Estes investimentos previstos coa axuda da Consellería do Mar teñen por obxectivo cubrir unha serie de carencias en canto a mobiliario e a material técnico-informático que permitan dar a atención necesaria aos asociados así como aumentar a eficiencia e produtividade do persoal adaptándose aos novos tempos e no caso da realización das xornadas como da visita á planta de ourizo redundará en interese e beneficio das confrarías asociadas e en definitiva suporán un progreso na eficiencia da prestación das actividades e dos servizos propios da federación, o que se enmarca nos obxectivos básicos de fomento da organización sectorial e mellora da súa competitividade. Ademais estes investimentos redundarán na mellora e optimización, tanto do traballo administrativo diario como na comunicación entre a federación, os directivos e as confrarías de pescadores asociadas.



#### **Cuarto**

Que a Federación Provincial de Confrarías de Pescadores da Coruña está inscrita no Folio 3 do Tomo III do Rexistro de Confrarías e das súas Federacións, creado pola Lei 9/1993, do 8 de xullo, de Confrarías de Pescadores de Galicia.

#### **Quinto**

Que nos orzamentos xerais da Comunidade Autónoma de Galicia para o ano 2025 (Lei 4/2024, do 27 de decembro, de orzamentos xerais da Comunidade Autónoma de Galicia para o ano 2025) figura, no capítulo VII, Transferencias de Capital, a aplicación orzamentaria 16.03.722A.781.3, proxecto 2014 00639, destinada ao financiamento de investimentos da Federación Provincial de Confrarías de Pescadores da Coruña.

Por todo o exposto, as partes comparecentes, na representación que ostentan, acordan asinar o presente convenio de colaboración con base nas seguintes

### **CLÁUSULAS**

#### **PRIMEIRA. Obxecto**

O presente convenio ten por obxecto establecer as condicións de colaboración entre a Consellería do Mar e a Federación Provincial de Confrarías de Pescadores da Coruña (ou beneficiaria) coa finalidade de financiar os investimentos que leve a cabo esta institución, sen ánimo de lucro, para acadar os obxectivos básicos de fomento da organización sectorial e mellora da súa competitividade.

#### **SEGUNDA. Finalidade da subvención**

Será a execución de investimentos varios co fin prestar mellores e mais eficientes servizos e un mellor desenvolvemento das actividades propias da mesma, mediante a adquisición de mobiliario, de material informático diverso, así como a realización de



tres xornadas e a visita a un criadeiro de ourizo de mar para coñecer de primeira man este proxecto e comprobar a súa viabilidade.

### **TERCEIRA. Importe e contía da subvención. Gastos subvencionables**

A Consellería do Mar achegará un importe máximo de dezaseis mil euros (16.000 €), que se financiará con cargo á aplicación orzamentaria 16.03.722A.781.3 dos orzamentos xerais da Comunidade Autónoma para o ano 2025, proxecto 2014 00639.

Os gastos imputables son aqueles realizados pola beneficiaria para o desenvolvemento das actividades obxecto deste convenio, descritas na cláusula segunda, co límite máximo de **16.000 €**.

### **CUARTA. Concorrenza de subvencións**

O importe da subvención percibida para este investimento non poderá, en ningún caso, ser de tal contía que, illada ou en concorrenza con subvencións ou axudas doutras administracións públicas ou doutros entes públicos ou privados, supere o custo de investimento. Para os efectos de poder comprobar tal extremo, nas xustificacións de pagamento debe presentarse declaración das axudas solicitadas e concedidas coa mesma finalidade.

### **QUINTA. Obrigas da beneficiaria**

A beneficiaria comprométese a:

1. Dedicar integramente o importe desta axuda á realización das actividades e á adquisición dos bens descritos na cláusula segunda deste convenio.
2. Poñer no coñecemento da Consellería do Mar calquera incidencia que afecte á realización dos investimentos, proporcionando canta información sobre as accións obxecto deste convenio lle sexa requirida.
3. Prestar colaboración e facilitar canta documentación lle sexa requirida no exercicio das funcións de control que lle corresponden á Intervención Xeral da Comunidade Autónoma, ao Consello de Contas e ao Tribunal de Contas, consonte ao disposto no artigo 40.1 h) do Regulamento da Lei 9/2007, do 13 de xuño, de subvencións de Galicia, aprobado polo Decreto 11/2009, de 8 de xaneiro (en adiante Regulamento da Lei 9/2007).



Ademais, son obrigas da beneficiaria todas as establecidas polo artigo 11 da Lei de subvencións de Galicia.

A beneficiaria da axuda consinte expresamente a inclusión dos datos relevantes desta subvención nos rexistros públicos que proceda, de acordo co artigo 16 da Lei 9/2007 do 13 de xuño, de subvencións de Galicia.

A concesión da subvención implica a autorización, á Dirección Xeral de Desenvolvemento Pesqueiro da Consellería do Mar, para solicitar as certificacións acreditativas de que se atopa ao corrente das obrigas tributarias estatais e autonómicas e da seguridade social, así como que non ten pendente de pagamento ningunha outra débeda, por ningún concepto, coa Administración pública da Comunidade Autónoma de Galicia.

A beneficiaria deberá ter cumpridas as obrigas establecidas nos artigos 55 e 58 do capítulo VI e nas seccións 3ª e 4ª do capítulo IX do Decreto 8/2014, do 16 de xaneiro, polo que se regulan as confrarías de pescadores de Galicia e as súas federacións, segundo se establece na Disposición adicional segunda do devandito decreto.

A tal efecto, deberá achegarse, antes de que se proceda ao libramento de ningunha cantidade, a certificación acreditativa do cumprimento das devanditas obrigas, asinado pola Dirección Xeral de Desenvolvemento Pesqueiro.

## **SEXTA. Publicidade da subvención**

1. A beneficiaria, consonte ao disposto no artigo 20 do Regulamento da Lei 9/2007, deberá de dar a adecuada publicidade ao carácter público do financiamento.

2. Sen prexuízo do previsto no devandito artigo 20, o incumprimento da obriga da beneficiaria de dar a adecuada publicidade do financiamento será causa de perda do dereito ao cobro da subvención. Se é o caso, será tamén causa de reintegro das cantidades percibidas, se as houber, xunto cos xuros de demora que correspondan, de acordo co establecido no artigo 15.3 da Lei 9/2007, en relación co artigo 33.1.d) da dita norma, e seguíndose para iso o procedemento establecido no artigo 38 da mesma norma legal.

## **SÉTIMA. Forma de pagamento e xustificación da subvención**

A Consellería do Mar, ao abeiro do establecido nos artigos 62 e 63.1 do Regulamento da Lei 9/2007, efectuará o libramento da axuda ao ritmo de execución e xustificación do gasto e, en todo caso, mediante a presentación da seguinte documentación, **ata o 16 de novembro de 2025.**



Na memoria económica xustificativa para os gastos con cargo á aplicación orzamentaria 16.03.722A.781.3 incluírase:

a. Relación das facturas e outros gastos realizados, con identificación dos acredores cos seus NIF, o número e a data da factura ou recibín, o concepto, o importe e data de pagamento. Deberá figurar a suma de cada concepto e, ao final, o total dos gastos. Esta relación estará conformada pola persoa titular da secretaría da Federación Provincial de Confrarías de Pescadores da Coruña, co visto e prace da persoa titular da presidencia.

Tanto a presentación das facturas, como os documentos xustificativos do seu pagamento, deberán achegarse á Dirección Xeral de Desenvolvemento Pesqueiro por calquera dos medios previstos no artigo 16.4 da Lei 39/2015, do 1 de outubro, do procedemento administrativo común das administracións públicas. A relación ordenada das facturas e os documentos xustificativos é requisito imprescindible para a tramitación do mencionado pagamento, devolvéndose toda a xustificación que non cumpra con estes requisitos.

Os xustificantes orixinais presentados marcaranse cun selo para os efectos previstos no artigo 49 do Regulamento da Lei 9/2007. Os orixinais serán devoltos cando se comprobe a xustificación do gasto.

b. Declaración responsable, expedida polo órgano competente da entidade, de cada gasto realizado, indicando que teñen relación co obxecto do convenio.

c. Declaración responsable, expedida polo órgano competente, comprensiva das outras axudas percibidas ou solicitadas para este proxecto, na que se indique a entidade concedente, a data e o importe total percibido.

De acordo co establecido no artigo 62 do Regulamento da Lei 9/2007, efectuarase o libramento da axuda do seguinte xeito:

- Mediante pagamentos parciais, unha vez xustificadas os gastos comprensivos de, polo menos, o 25% do importe do convenio, por parte da beneficiaria.
- A data tope de presentación da documentación xustificativa dos gastos que restasen para aboar ata acadar o 100% é o **16 de novembro de 2025**.

De conformidade co previsto no artigo 29.2 da Lei 9/2007, de subvencións de Galicia, considerase gasto realizado o que foi efectivamente pagado con anterioridade á finalización do período de xustificación determinado pola normativa reguladora da subvención.

Poderanse realizar pagamentos anticipados que suporán entregas de fondos con carácter previo á xustificación, como financiamento necesario para poder levar a cabo as actuacións inherentes á subvención, de acordo coas condicións establecidas nos



artigos 62 e 63 do Regulamento da Lei 9/2007. A entidade beneficiaria deberá de solicitar o importe de pagamento anticipado que considere necesario, ata un máximo de **8.000 €**. A concesión do anticipo realizarase mediante resolución motivada.

Consonte ao disposto no artigo 65.4 i) do devandito regulamento, quedan exentos da constitución da garantía, *“os beneficiarios das subvencións concedidas das que os pagos non superen os 18.000 euros. No caso de pagos anticipados e/ou pagos a conta o importe anterior enténdese referido á cantidade acumulada dos pagamentos realizados”*.

Para a materialización dos referidos libramentos será necesaria a emisión de certificación favorable da Dirección Xeral de Desenvolvemento Pesqueiro.

A Dirección Xeral de Desenvolvemento Pesqueiro poderá solicitar calquera documentación necesaria para a correcta verificación da subvención.

#### **OITAVA. Reintegro da subvención**

Procederá o reintegro parcial ou total da subvención nos casos previstos polo artigo 33 da Lei 9/2007 do 13 de xuño, de subvencións de Galicia, e a través do procedemento establecido polo artigo 37 e seguintes da mesma Lei.

#### **NOVENA. Normativa de referencia**

Todas as actuacións de xestión de actividades do obxecto deste convenio, estarán suxeitas á normativa vixente en materia de axudas e subvencións constituída pola Lei 9/2007, do 13 de xuño, de subvencións de Galicia e polo seu Regulamento aprobado polo Decreto 11/2009, do 8 de xaneiro e por calquera outra de aplicación.

#### **DÉCIMA. Comisión de seguimento**

O seguimento e control do establecido no presente convenio realizarase por unha comisión de seguimento formada pola persoa titular da Dirección Xeral de Desenvolvemento Pesqueiro, pola persoa titular da Subdirección Xeral de Xestión, Ensino e Relacións Sectoriais, e pola persoa titular da presidencia e da secretaría da entidade beneficiaria.

#### **UNDÉCIMA. Resolución de controversias**



No caso de que se susciten controversias sobre a interpretación e aplicación das cláusulas deste convenio, estas resolveranse pola comisión prevista na cláusula anterior.

Se subsiste o desacordo, dita cuestión controvertida someterase ao coñecemento da Xurisdición Contencioso Administrativa do Tribunal Superior de Xustiza de Galicia.

### **DUODÉCIMA. Transparencia e bo Goberno na Administración Pública Galega**

De conformidade co establecido nos artigos 12 a 16 da Lei 19/2013, do 9 de decembro, de transparencia, acceso á información pública e bo goberno, en concordancia cos artigos 24 e 25 da Lei 1/2016, do 18 de xaneiro, de transparencia e bo goberno, os asinantes outorgan o seu consentimento para que os datos persoais que constan no convenio e no resto das especificacións contidas no mesmo, poidan ser publicadas no Portal de Transparencia e Goberno Aberto.

Así mesmo, en virtude do disposto no artigo 4 da antedita Lei 1/2016, as persoas físicas e xurídicas beneficiarias de subvencións atoparase obrigadas a subministrarlle á administración, previo requirimento, toda a información necesaria para o cumprimento, por aquela, das obrigas previstas no Título I da citada Lei.

No relativo ás obrigas específicas de información sobre convenios e subvencións, estarase ao previsto nos artigos 15 e 17 da Lei 1/2016, do 18 de xaneiro, de transparencia e bo goberno.

Asemade este convenio será obxecto de publicidade no Rexistro de axudas, subvencións e convenios, ao abeiro do disposto nos Decretos 126/2006, do 20 de xullo e 132/2006, do 27 de xullo.

### **DÉCIMO TERCEIRA. Inexistencia de relación laboral**

A subscrición do presente convenio non implicará relación laboral ou de calquera outra natureza entre as persoas ou profesionais que desenvolvan as accións que constitúen o obxecto do mesmo e a Xunta de Galicia, os seus organismos ou entidades vinculadas ou dependentes, nin se lle poderá esixir á Xunta de Galicia ningunha responsabilidade directa nin subsidiaria polas actuacións que se deriven deste convenio.



#### **DÉCIMO CUARTA. Vixencia e efectos**

A duración do presente convenio estenderase dende a data da súa sinatura ata o 16 de decembro de 2025, sen posibilidade de prórroga.

E, en proba de conformidade cos termos do convenio, as partes comparecentes asinan.

**Pola Consellería do Mar**

**Pola Federación Provincial de Confrarías  
de Pescadores da Coruña**

A conselleira

O presidente

Marta Villaverde Acuña

Manuel Daniel Formoso Moledo

